



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration

Broj: 01-04-108/20
Sarajevo, 21.01.2020. godine

KANTON SARAJEVO
SLUŽBA ZA SKUPŠTINSKE POSLOVE KANTONA SARAJEVO
STRUČNA SLUŽBA VLADE KANTONA SARAJEVO
- o v d j e -

PREDMET: Odgovor na zastupničku inicijativu, dostavlja se.-

VEZA: Akt Stručne službe Vlade Kantona Sarajevo broj: 16-01-05-41335-97/19 od 08.01.20120. godine i akt Skupštine Kantona Sarajevo broj: 01-05-41335-97/19 od 26.11.2019. godine

Na 15. Rednoj sjednici Skupštine Kantona Sarajevo, održanoj dana, 19.11.2019. godine, u okviru tačke dnevnog reda „Poslanička/zastupnička pitanja, inicijative i odgovori“, zastupnik Igor Stojanović, pokrenuo je slijedeću zastupničku inicijativu:

„Da se Štabu civilne zaštite priključi direktorica Robnih rezervi i direktor Centra za socijalni rad.“

ODGOVOR:

Uredbom o osnivanju Štaba civilne zaštite Kantona Sarajevo („Službene novine Kantona Sarajevo“, br. 24/13, 7/16 i 27/19 – u daljnjem tekstu: Uredba), između ostalog, određena je unutrašnja organizacija i popuna, odnosno sastav Štaba civilne zaštite Kantona Sarajevo (u daljnjem tekstu: Štab). Odredbama čl. 6., 7., 8. i 9. Uredbe određeno je da sastav Štaba čine predstavnici iz slijedećih kantonalnih organa uprave, pravnih lica i organizacija: Ministarstva komunalne privrede i infrastrukture, Ministarstva zdravstva, Ministarstva privrede, Ministarstva finansija, Ministarstva prostornog uređenja, građenja i zaštite okoliša, Ministarstva saobraćaja, Ministarstva unutrašnjih poslova, Ministarstva za rad, socijalnu politiku, raseljena lica i izbjeglice, Kantonalne uprave civilne zaštite Kantona Sarajevo, Veterinarske stanice Kantona Sarajevo i Crvenog križa Kantona Sarajevo.



Navedeni sastav Štaba, određen je prema kriterijima koji su utvrđeni u odredbama čl. 114. i 116. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 4. i 5. Pravilnika o načinu rada i funkcioniranju štabova i povjerenika civilne zaštite („Službene novine Federacije BiH“, br. 77/06, 5/07 i 32/14), kao i prema zahtjevima koji su utvrđeni u Procjena ugroženosti područja Kantona Sarajevo od prirodnih i drugih nesreća.

Prilikom primjene navedenih kriterija vodilo se računa da u Štabu budu zastupljeni predstavnici kantonalnih organa uprave, pravnih lica i organizacija čija je djelatnost od značaja za zaštitu i spašavanje i koji su kompetentni da pokrivaju mjere zaštite i spašavanja koje će se provoditi u odnosu na indentifikovane opasnosti i ugroženosti u pojedinim oblastima društvenog života.

Bitno je istaći, da je gore navedeni sastav Štaba nužan zbog načina donošenja naredbi i odluka Štaba i zbog načina provedbe njegovih naredbi. Naime, Štab je kolegijalni organ koji funkcioniše na osnovu aktivnosti svojih članova. Svaki član Štaba prati situaciju u oblasti za koju je zaduženo njegovo ministarstvo, organ uprave, pravno lice i organizacija i čim sazna da u njegovoj oblasti prijeti opasnost, ili da je nastala neka prirodna ili druga nesreća, dužan je o tome odmah upoznati komandanta i načelnika Štaba, koji će odlučiti ima li potrebe da se održi sjednica Štaba radi razmatranja toga pitanja. Čim Štab donese naredbu o preduzimanju određenih mjera zaštite i spašavanja, nju treba provesti ono kantonalno ministarstvo, organ uprave, pravno lice i organizacija u čijoj je oblasti došlo do nastanka prirodne ili druge nesreće, a njezinu provedbu osigurava član Štaba iz tog ministarstva, organa uprave, pravnog lica i organizacije. Na izneseni način funkcioniše Štab, zbog čega je i potreban gore navedeni sastav Štaba.

S obzirom da je u skladu sa članom 9. stav (1) tačka 1) Uredbe u Štab već postavljen pomoćnik ministra iz Ministarstva za rad, socijalnu politiku, raseljena lica i izbjeglice i da isti pokriva mjera zaštite i spašavanje iz oblasti socijalne politike, mišljenja smo da nema potrebe da se u Štab postavlja direktor Centra za socijalni rad.

Imajući u vidu činjenicu, da je u skladu sa članom 8. Uredbe član Štaba po funkciji sekretar Crvenog križa Kantona Sarajevo, te da je u skladu sa članom 5. tačka i) Uredbe o organizovanju službi zaštite i spašavanja i jedinica civilne zaštite specijalizovane namjene Kantona Sarajevo („Službene novine Kantona Sarajevo“, br. 30/13 i 29/19), u Crvenom križu Kantona Sarajevo formirana Služba za smještaj ugroženog i nastradalog stanovništva i snabdijevanje, koja između ostalog, vrši operativne mjere zaštite i spašavanja koje se odnose na organizaciju, pripremu i distribuciju hrane, odjeće i obuće, lijekova i drugih roba široke potrošnje za nastradalo i ugroženo stanovništvo na pogođenom području, vezana za incijacitivu da se u Štab postavi direktorica Direkcija za robne rezerve Kantona Sarajevo, Kantonalna uprava civilne zaštite Kantona Sarajevo će na narednoj sjednici Štaba o istoj obavijestiti članove Štaba i ako Štab za istu da pozitivno mišljenje, pokrenuti će procedure za izmjene i dopune Uredbe, kojim bi se kao član Štaba postavila direktorica Direkcija za robne rezerve Kantona Sarajevo.

S poštovanjem,



VD DIREKTOR

Kemal Cacan

Dostavljeno:

- Naslovu
- a/a



web: <https://kucz.ks.gov.ba>
e-mail: kucz@kucz.ks.gov.ba
Tel: + 387 (0) 33 257-330, 257-335
Fax: + 387 (0) 33 257-336
Sarajevo, Fehima efendije Čurčića 1